


კერამიკული ნაწარმის სპეციალისტი (II)



საგანმანათლებლო პროგრამის სახელწოდება: კერამიკული ნაწარმის სპეციალისტი (პროფესიული სტანდარტი -080365)

პროფესიული განათლების საფეხური: მეორე საფეხური

მისანიჭებელი კვალიფიკაცია: კერამიკული ნაწარმის სპეციალისტის მეორე საფეხურის პროფესიული კვალიფიკაცია

პროგრამის მოცულობა: 15 კრედიტი (375 საათი) -2,5 თვე

პრაქტიკა -40 % -6 კრედიტი (150 საათი)

თეორია -60 % -9 კრედიტი (225 საათი)

პროგრამაზე დაშვების წინაპირობა: პროგრამაზე დაიშვება პირი, რომელსაც დასრულებული ან აღიარებული აქვს კერამიკული ნაწარმის სპეციალისტის პირველი საფეხურის პროგრამა და დადგენილი წესით ჩაბარებული აქვს შემდგომ საფეხურზე გადასასვლელი გამოცდები.

პროფესიული პროგრამის მიზანი:

პროგრამის მიზანია მოამზადოს კერამიკული ნაწარმის სპეციალისტი, რომელსაც შეუძლია ხელმძღვანელის დავალებით და მისი მეთვალყურეობის ქვეშ შეასრულოს ნედლი მასალის დამუშავება წარმოებისათვის გამოსადეგ კონდიციამდე -თიხის ცომის, შლიკერის, საშამოთე მასის მომზადება კომპონენტების მითითებული პროპორციის დაცვით, თაბაშირის შესაბამისი ხსნარის დამზადება, მოჭიქურების მარტივი - ამოვლების ხერხით. არსებულ სიბრტყობრივ და დაბალრე-ლიეფიან მოდელზე მარტივი ერთნაჭრიანი ყალიბის დასხმა, მარტივი ნაკთობის ამოწნეხვის წესით დაყალიბება.

დასაქმების სფერო:

კურსდამთავრებული შესაბამისი კვალიფიკაციის მიღების შემდეგ შეეძლება დასაქმდეს, როგორც კერამიკოს-შემსრულებელის კერძო ან სახელმწიფო საწარმოში, სადიზაინო ან მხატვრულ სახელოსნოში/სტუდიაში, შეუძლია საკუთარ დამოუკიდებელ სახელოსნო-საამქროში თვითდასაქმება.

სწავლისშედეგი:

<p>ცოდნა და გაცნობიერება</p>	<p>აქვს ფაქტობრივი ცოდნა კერამიკულ წარმოებაში გამოყენებადი საბაზისო მასალების პროფილური გამოყენების შესახებ, იცნობს მათი დამზადების ძირითად ტექნიკას და ხერხებს.</p> <p>გააჩნია ზოგადი ცოდნა კერამიკულ საწარმოში პროდუქციის დამზადების ძირითადი მიმართულებების შესახებ. აქვს წარმოებაში ჩამოსხმის წესით კერამიკული ნაკეთობის დამზადების ცოდნა. აცნობიერებს თავისი კომპეტენციის ფარგლებს კერამიკის წარმოებაში. იცნობს შრომის უსაფრთხოების წესებს.</p>
<p>ცოდნის პრაქტიკაში გამოყენების უნარი</p>	<p>შეუძლია კერამიკული საწარმოს/სტუდიის პირობებში, ხელმძღვანელის დავალებით და მისი მეთვალყურეობის ქვეშ შეასრულოს ნედლი მასალის დამუშავება წარმოებისათვის გამოსადეგ კონდიციამდე (თიხის ცომის, შლიკერის, საშამოთე მასის მომზადება კომპონენტების მითითებული პროპორციის დაცვით, თაბაშირის შესაბამისი ხსნარის დამზადება, მოჭიქურების მარტივი - ამოვლების ხერხით და სხვ.) შეუძლია ხელმძღვანელის მეთვალყურეობის ქვეშ არსებულ სიბრტყობრივ და დაბალრე-ლიეფიან მოდელებზე მარტივი ერთნაჭრიანი ყალიბის დასხმა, მარტივი ნაკეთობის ამოწმების წესით დაყალიბება, არსებულ სადა ყალიბში მოცულობითი ნაკეთობის შლიკერით ჩამოსხმის წესით დაყალიბება, მისი სველი და მშრალი გასუფთავება, იცნობს ნაკეთობის პირველადი გამოწვის პრინციპებს ელექტრო ღუმელში.</p>
<p>დასკვნის გაკეთების უნარი</p>	<p>შეუძლია საწარმოში/სტუდიაში კვალიფიკაციის შესაბამისი დავალების შესრულებისას ხელმძღვანელისგან მიღებული ინსტრუქციის/მითითების საფუძველზე ამოიცნოს პრობლემა და გადაჭრას იგი, (მასალის დამზადების ქრონოლოგია, დასამზადებელი მასალის კონდიციის დადგენა, ნაწარმის ყალიბში განპირობებული დაყოვნების დროის განსაზღვრა, ადექვატური ტენიანობის განსაზღვრა ჩაწმენის მეთოდის გამოყენებისას და სხვ.), გააკეთოს აუცილებელი დასკვნები შემდგომში დავალების უშეცდომოდ შესრულების მიზნით.</p>
<p>კომუნიკაციის უნარი</p>	<p>შეუძლია ზეპირი და წერილობით კომუნიკაცია თავისი შრომითი აქტივობის ფარგლებში, უშუალო ხელმძღვანელთან და წარმოების სხვა მომსახურე პერსონალთან. აუცილებლობის შემთხვევაში მარტივი პრობლემების დაფიქსირება, მისი წარმომქმნელი მიზეზისა და გადაჭრის შესახებ საკუთარი აზრის ზეპირი ან წერილობითი წარდგენა. შეუძლია უცხო ენაზე ელემენტარული დონის კომუნიკაცია შრომით საქმიანობასთან დაკავშირებით, საბაზო სპეციალური ტერმინოლოგიის გამოყენებით. შეუძლია გამოიყენოს საინფორმაციო და საკომუნიკაციო ტექნოლოგიები მისი საქმიანობის შესატყვის დონეზე (შეადგინოს საკუთარი სამუშაო გრაფიკი, დავალებათა შესრულების გეგმა, მოახდინოს ინფორმაციის ფიქსირება, მაგ. დასამზადებელი კაზმის მითითებული/ სტანდარტული პროპორციის შესახებ და სხვ).</p>
<p>სწავლის უნარი</p>	<p>შეუძლია მითითებული წყაროს მიხედვით ინფორმაციის მოპოვება ცოდნის შემდგომი გაღრმავების მიზნით. აცნობიერებს სწავლის შემდგომ საფეხურზე გადასვლის შესაძლებლობას/აუცილებლობას სხვისი რჩევისა და საკუთარი გადაწყვეტილების საფუძველზე.</p>

ღირებულებები	შესაბამის კომპეტენციის საზღვრებში იცავს პროფესიულ წესებს და პროცედურებს, იცნობს შრომის უსაფრთხოების წესებს, იცავს მათ. იცის კოლეგებთან, საზოგადოებასთან ურთიერთობის ეთიკური ნორმები და მოქმედებს მათ შესატყვისად.
---------------------	---

პროფესიული სტუდენტის სასწავლო საქმიანობა (დატვირთვა):

პროფესიული სტუდენტის სასწავლო საქმიანობა(დატვირთვა) მოიცავს:

- ლექციაზე დასწრება/სამუშაო ჯგუფში მუშაობას
- პრაქტიკულ მეცადინეობას
- დამოუკიდებელ მეცადინეობას
- საწარმოო პრაქტიკას
- გამოცდების (შუალედური და დასკვნითი) ჩაბარებას

პროფესიული სტუდენტის ცოდნის შეფასება

დადებით შეფასებად ჩაითვლება:

- ფრიადი - მაქსიმალური შეფასების 91% და მეტი;
- ძალიან კარგი - მაქსიმალური შეფასების 81-90%;
- კარგი - მაქსიმალური შეფასების 71-80%;
- დამაკმაყოფილებელი - მაქსიმალური შეფასების 61-70%;
- საკმარისი - მაქსიმალური შეფასების 51-60%;

უარყოფით შეფასებად ჩაითვლება:

(FX) ვერ ჩააბარა - მაქსიმალური შეფასების 41-50%, რაც ნიშნავს, რომ პროფესიულ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება.

(F) ჩაიჭრა - მაქსიმალური შეფასების 40% და ნაკლები, რაც ნიშნავს, რომ პროფესიული სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

მაქსიმალური შეფასება 100 ქულაა.

პროფესიული სტუდენტის მიერ მიღწეული სწავლის შედეგების ერთჯერადად - მხოლოდ დასკვნითი გამოცდის საფუძველზე შეფასება დაუშვებელია.

პროფესიულ სტუდენტს უფლება აქვს, გავიდეს დამატებით გამოცდაზე დასკვნით გამოცდაზე უარყოფითი შეფასების მიღების შემთხვევაში, არანაკლებ 10 დღეში.

შეფასების ფორმა:

- შუალედური შეფასება
- დასკვნითი შეფასება

შეფასების მეთოდი:

- ტესტი
- ზეპირი გამოკითხვა
- ჯგუფური/ინდივიდუალური პროექტი
- დაკვირვება და დემონსტრირება

სწავლების მეთოდები

- თეორიული სწავლება
- პრაქტიკული მეცადინეობა
- სასწავლო პრაქტიკა
- საწარმოო პრაქტიკა

სწავლის გაგრძელების შესაძლებლობა

კურსდამთავრებულს უფლება აქვს გაიაროს კერამიკული ნაწარმის სპეციალისტის მესამე საფეხურის პროგრამა.